

ÈVIÈ CINK EÛRES, EÛRE DO SALUT

Il èstéve près d' cink eûres, eûre do salut,
 On djon.ne a vnu cwêri on blank linçoû.
 Èviè cink eûres, eûre do salut,
 M' marène s' a mètu à tchoûler.
 Èviè cink eûres, eûre do salut
 I m' a falu m' taîre, dji l' a bèn sintu
 Èviè cink eûres, eûre do salut

On a bague lès tchèyères,
 Èviè cink eûres, eûre do salut,
 Èt astoker l' grande tauve,
 Èviè cink eûres, eûre do salut,
 Au meûr do fond dèl bèle place,
 Èviè cink eûres, eûre do salut.
 Sins co sawè kwè, dj' a somadjî,
 Èviè cink eûres, eûre do salut

M' keûr èt l' orlodje tokîne
 èxhone,
 Èviè cink eûres, eûre do salut.
 Dsus lès cayaus dèl ruwale,
 Èviè cink eûres, eûre do salut,
 Lès chabots ont skèté l' silince,
 Èviè cink eûres, eûre do salut.
 Stîndu dsus l' fayêye civîre di
 coches,
 Èviè cink eûres, eûre do salut,
 On ramwinrnéve m' Walon
 pâren,
 Èviè cink eûres, eûre do salut.
 Nd' alé au lon, dsus s' cwin d'
 tère,
 Èviè cink eûres, eûre do salut,
 Royî sès canadas, s' èstéve co l'
 guère,
 Èviè cink eûres, eûre do salut,
 Èviè cink eûres, eûre do salut,
 Èviè cink eûres, l' djusse eûre
 do salut.

Au ddins dl' auto à gazodjinne,
 Èviè cink eûres, eûre do salut,

On aréve dit ki sokiyéve.
 Èviè cink eûres, eûre do salut,
 On l' a r' satchî, m' Flamind d' pâren,
 Èviè cink eûres, eûre do salut,

Rmonté do fond, dèdjà tot frèd.
 Èviè cink eûres, eûre do salut,
 On l' a sitindu dsus l' tauve.
 Èviè cink eûres, eûre do salut,
 L' guère vinéve di s' fini.
 Èviè cink eûres, eûre do salut,
 I s' avîne conxhu à l' fosse, mès deûs
 tayons.
 Èviè cink eûres, eûre do salut,
 Onk au djoû, l' ôte au fond.
 Èviè cink eûres, eûre do salut,
 Èviè cink eûres, eûre do salut,
 Èviè cink eûres, eûre do kandjmint d' pôsse
 Lès clokes ont bomé leûs cink côps,
 Po lès cink eûres, l' eûre do salut. M' dîrîz
 bèn po kî ?



(A l' après d' Frèdèrico Garcia Lorca.
 Mins,scuzoz-m' si, co on côp, dji m' a lèyî nd'
 aler...)

On comache todi...